



ՄԱՍԼՈ ՀԱՂՈՐԴԱԳՐՈՒԹՅՈՒՆ

«Հասարակական կազմակերպությունների մասին» ՀՀ նոր օրենքի մանրամասները. Իրավաբանների հայկական ասոցիացիան դասընթացներ անցկացրեց Երևանում և ՀՀ 4 մարզերում

ՀԿ անդամի բողոքի դիմումը կարող է հիմք լինել լիազոր մարմնի համար ՀԿ-ում ստուգումներ սկսելու համար: «Հասարակական կազմակերպությունների մասին» ՀՀ նոր օրենքին նվիրված դասընթացների ընթացքում օրենքի այս և այլ նոր իրավական կարգավորումները ներկայացրեց Իրավաբանների հայկական ասոցիացիայի նախագահ (ԻՀԱ) Կարեն Զաղոյանը:

2017 թ. մայիսի 9-ից 31-ը ԻՀԱ-ն ՀԿ-ների անվճար դասընթացներ անցկացրեց Գյումրի, Երևան, Վանաձոր, Գավառ, Սևան, Գորիս և Կապան քաղաքներում:

Մասնավորապես, Կ. Զաղոյանը նշեց, որ եթե հասարակական կազմակերպություն (ՀԿ) հիմնադրելիս ՀԿ-ն թույլ է տվել օրենքի էական խախտում կամ կեղծիք, ապա դա հիմք է, որպեսզի Պետական եկամուտների կոմիտեն դիմի դատարան ՀԿ-ի գործունեությունը կասեցնելու պահանջով: Ներկաներին նա խորհուրդ տվեց կանոնադրության մեջ հստակ սահմանել այն դեպքերը, թե որ հիմքերով կարող է հեռացվել ՀԿ անդամը: Որպես կարևոր փաստ նշվեց նաև այն, որ եթե նախկինում ՀԿ-ների մասով լիազոր մարմինը արդարադատության նախարարությունն էր, ապա ներկայումս ՀՀ ԿԱ Պետական եկամուտների կոմիտեն է: Սակայն կան խնդրահարույց նորմեր կապված ՊԵԿ-ին ներկայացվող հաշվետվությունների, ծառայությունների մատուցման դեպքում հարկման և այլ հարցերի հետ: Նախատեսվում է, որ կստեղծվի ՊԵԿ-ի հետ համատեղ աշխատանքային խումբ, որտեղ կքննարկվեն այդ հարցերը:

Կարեն Զաղոյանը նշեց, որ ռիսկեր կան՝ կապված անմիջական ձեռնարակատիրական գործունեություն ծավալելու հետ: Նա ՀԿ ներկայացուցիչներին տեղեկացրեց, որ ձեռնարակատիրական գործունեությունից ստացված եկամուտները պետք է ուղղվեն բացառապես ՀԿ-ի կանոնադրական նպատակների իրականացմանը և ենթակա չեն անդամների կամ ղեկավար կազմի մեջ բաշխվելուն: Նրա խոսքով՝ մինչև 2017 թվականի վերջը ձեռնարակատիրական ընկերությունները շահութահարկի ռեժիմով կարող են հարկվել, եթե ունեն մինչև 115 միլիոն դրամի շրջանառություն, իսկ ահա ՀԿ-ների դեպքում այդ շեմը ներկայումս մինչև 58,35 միլիոն դրամ է սահմանված: Նոր հարկային օրենսգրքով ձեռնարակատիրական կազմակերպությունների համար էլ շեմը կիջեցվի մինչև 58,35 միլիոնի, սակայն մինչ այդ առկա է անհավասար մոտեցում ՀԿ-ների և բիզնես կազմակերպությունների միջև: Հայաստանի ՓՄՁ հաշվապահների ասոցիացիայի նախագահ Վահագն Համբարձումյանը նշեց, որ ՀԿ-ները մինչև 58,35 միլիոն դրամ շրջանառություն ունենալու դեպքում կհարկվեն շահութահարկի ռեժիմով, իսկ դրանից նույնիսկ 1 դրամ ավելի շրջանառություն ունենալու դեպքում հարկվելու են նաև ԱՀՀ ռեժիմով:

Նշենք, որ 2016 թվականի դեկտեմբերի 16-ին Ազգային ժողովն ընդունեց «Հասարակական կազմակերպությունների մասին» նոր օրենքը, որն ուժի մեջ մտավ 2017թի փետրվարի 4-ին: Դրանով պայմանավորված անհրաժեշտություն է առաջացել ՀԿ-ների կանոնադրությունները համապատասխանեցնել օրենսդրական նոր պահանջներին: Այսպիսով, Իրավաբանների հայկական ասոցիացիան Եվրոպական միության կողմից ֆինանսավորվող «Կառուցողական երկխոսության հանձնառություն» ծրագրի և ՀՀ-ում անցկացվող Եվրոպայի օրերի շրջանակներում անցկացրեց անվճար դասընթացներ ՀԿ-ների համար՝ նոր օրենքի լույսի ներքո: Դասընթացները վարեց Իրավաբանների հայկական ասոցիացիայի նախագահ, ծրագրի ղեկավար Կարեն Զաղոյանը, ով, կարևորելով ՀԿ-ների մասին նոր օրենքը, մինչև ժամանակ ներկայացրեց դրանում տեղ գտած որոշ իրավակարգավորումներ, որոնք ՀԿ-ների կողմից չիմանալու և չլիրաբանելու դեպքում կարող են վերջիններին համար առաջացնել բացասական իրավական հետևանքներ: Խնդրահարույց դրույթներ են ՀԿ-ների վերակազմավորման գրանցման, կամավորական աշխատանքի, անմիջական ձեռնարակատիրական գործունեության հետ կապված խնդիրները: Բացի այդ, ասոցիացիան իր Երևանի և մարզային մասնաճյուղերի միջոցով անվճար խորհրդատվություն է մատուցում, ինչպես նաև ՀԿ-ներին օժանդակում նրանց կանոնադրությունների և այլ իրավական փաստաթղթերի՝ օրենսդրությանը համապատասխանեցման գործընթացում:

Կառուցողական երկխոսության հանձնառություն՝ ծրագիրն իրականացվում է «Իրավաբանների հայկական ասոցիացիա» ՀԿ-ի կողմից՝ գործընկերներ՝ «Ազորա Սենթրլ Զուրով» ՀԿ-ն (Զելիա), Ժողովրդավարական կրթության հայկական կենտրոնի (ՄԻՎԻՏԱՍ), Մարդկային զարգացման միջազգային կենտրոնի, ՓՄՁ համագործակցության ասոցիացիայի և Հայաստանի համայնքների միության հետ համագործակցությամբ:

Ծրագրի հիմնական նպատակն է մեծացնել Քաղաքացիական Հասարակության Կազմակերպությունների (ՔՀԿ) ազդեցությունը հանրային քաղաքականության մշակման գործընթացում, ինչպես նաև ուժեղացնել Հայաստանում քաղաքացիական հասարակության կազմակերպությունների ներուժը՝ ոլորտային կոալիցիաներ կազմելու, կենտրոնական և տեղական իշխանությունների հետ համագործակցությունը զարգացման համար: Ծրագիրը ունի դրամաշնորհային բաղադրիչ, որի շրջանակներում ենթադրամաշնորհներ կտրամադրվեն քաղաքացիական հասարակության կազմակերպություններին և քաղաքացիական հասարակության կազմակերպությունների կոալիցիաներին: Ծրագրի թիրախային ոլորտները 9-ն են, այդ թվում՝ արդարադատությունը, կրթությունը, բիզնեսը:

Իրավաբանների հայկական ասոցիացիան (ԻՀԱ) ստեղծվել է 1995թ.-ին: ԻՀԱ-ի առաքելությունն է նպաստել Հայաստանում իրավունքի գերակայության, ժողովրդավարության և քաղաքացիական հասարակության կայացմանը, որտեղ բնակչությունը իրազեկ է, իսկ նրա իրավունքները՝ պաշտպանված: Մինչև 2016 թ. փետրվար ամիսը ԻՀԱ-ի անվանումն էր Հայաստանի երիտասարդ իրավաբանների ասոցիացիա:

Լրացուցիչ տեղեկությունների համար կարող եք դիմել աշխատանքային օրերին՝ ժամը 9.00-18.00; հեռ.՝ 540199; ֆաքս՝ 580299; URL՝ <http://www.armla.am>, էլ. փոստ՝ info@armla.am:



Ծրագիրը ֆինանսավորվում է Եվրոպական միության կողմից: Հայաստանում Եվրոպական միության պատվիրակություն Հեռախոս՝ +37410 54 64 94 Հեռապատճեն՝ +37410 54 64 95

Իրավաբանների հայկական ասոցիացիա
Հասցե՝ Նալբանդյան 7, բն. 2 Երևան, Հայաստան, 0010
Հեռախոս՝ +37410 54 01 99
Հեռապատճեն՝ +37410 58 02 99

Եվրահանձնաժողովը ԵՄ գործադիր մարմինն է: Եվրամիությունն ունի 28 անդամ երկիր, որոնք որոշել են ատոմաճանաբար կապակցել իրենց նուռ-հառու, ռեսուրսներն ու ուղիները: 50 տարվա բնոթարձական ժամանակահատվածում նրանք միասին ստեղծել են կայունության, ժողովրդավարության ու կայուն զարգացման տարածք՝ պահպանելով մշակութային գանգալությունը, հանդուրժողականությունը և յուրաքանչյուրի անկախությունը: Եվրամիությունը հանձնառու է կիսել իր ձեռքբերումներն ու արժեքները իր սահմաններից այն կողմ գտնվող երկրներին ու ժողովուրդներին հետ: